



# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏ

Ո Ր Ո Շ ՈՒ Մ

22 փետրվարի 2021 թվականի N <sup>66</sup>-Ա

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍՅՈՒՆԻՔԻ ՄԱՐԶՊԵՏԻ 2020 ԹՎԱԿԱՆԻ  
ՄԱՐՏԻ 30-Ի N 109-Ա ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ  
ԿԱՏԱՐԵԼՈՒ ՄԱՍԻՆ

Ղեկավարվելով «Տարածքային կառավարման մասին» Հայաստանի  
Հանրապետության օրենքի 5-րդ հոդվածի 3-րդ մասով և «Նորմատիվ իրավական  
ակտերի մասին» Հայաստանի Հանրապետության օրենքի 34-րդ հոդվածի 4-րդ մասով՝

ո Ր Ո Շ ՈՒ Մ Ե Մ.

1. Սյունիքի մարզպետի 2020 թվականի մարտի 30-ի «Դրամական օգնության համար  
ՀՀ Սյունիքի մարզպետարան դիմած քաղաքացիների դիմումների ուսումնասիրման  
հանձնաժողովի գործունեության և դրամական օգնության հատկացման կարգի մասին»  
N 109-Ա որոշման հավելվածը շարադրել նոր խմբագրությամբ՝ համաձայն հավելվածի:
2. Սույն որոշումն ուժի մեջ է մտնում ստորագրման պահից:

22.02.2021

X *Մ. Պողոսյան*

ՄԵԼԻՔՍԵԹ ՊՈՂՈՍՅԱՆ

Подписано: ПОГНОСЯН МЕЛИКСЕТ 21022200096

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ՍՅՈՒՆԻՔԻ ՄԱՐԶՊԵՏ



Մ. ՊՈՂՈՍՅԱՆ



Հավելված

Սյունիքի մարզպետի 2021թ.-ի

Ապրիլի 22-ի N 66-Ա որոշման

«Հավելված

Սյունիքի մարզպետի 2020թ.-ի

մարտի 30-ի N 109-Ա որոշման

## ԿԱՐԳ

### ԴՐԱՄԱԿԱՆ ՕԳՆՈՒԹՅԱՆ ՀԱՄԱՐ ՍՅՈՒՆԻՔԻ ՄԱՐԶՊԵՏԱՐԱՆ ԴԻՄԱԾ ՔԱՂԱՔԱՑԻՆԵՐԻ ԴԻՄՈՒՄՆԵՐԻ ՌԻՍՈՒՄՆԱՍԻՐՄԱՆ ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԵՎ ԴՐԱՄԱԿԱՆ ՕԳՆՈՒԹՅԱՆ ՀԱՏԿԱՑՄԱՆ

#### I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով սահմանվում է.

- 1) Նյութական (դրամական) օգնության խնդրանքով Սյունիքի մարզպետարան (այսուհետ՝ մարզպետարան) դիմած քաղաքացիների սոցիալական վիճակի ուսումնասիրության նպատակով ստեղծված հանձնաժողովի (այսուհետ՝ հանձնաժողով) գործունեությունը:
- 2) Նյութական (դրամական) օգնության խնդրանքով մարզպետարան դիմած քաղաքացիների դիմումների ուսումնասիրման կարգը:

#### II. ՀԱՆՁՆԱԺՈՂՈՎԻ ՆՊԱՏԱԿԸ

2. Հանձնաժողովի նպատակն է՝

- 1) Նյութական (դրամական) օգնության խնդրանքով Սյունիքի մարզպետարան դիմած քաղաքացիների ընտանիքների սոցիալական վիճակը բնութագրող անհրաժեշտ տեղեկատվության հավաքագրումը, հանձնաժողովի նիստում դրանց քննարկման կազմակերպումը և մարզպետին համապատասխան առաջարկությունների ներկայացումը:
- 2) ՀՀ պետական բյուջեի «Այլ նպաստներ բյուջեից» հոդվածով Սյունիքի մարզպետարանին հատկացված միջոցների նպատակային և հասցեական բաշխումը և տրամադրումը դրամական օգնության խնդրանքով մարզպետարան դիմած կարիքավոր քաղաքացիներին:

- 2) ՀՀ պետական բյուջեի «Այլ նպաստներ բյուջեից» հոդվածով Սյունիքի մարզպետարանին հատկացված միջոցների նպատակային և հասցեական բաշխումը և տրամադրումը դրամական օգնության խնդրանքով մարզպետարան դիմած կարիքավոր քաղաքացիներին:

### III. ԴՐԱՄԱԿԱՆ ՕԳՆՈՒԹՅԱՆ ՆՇԱՆԱԿՈՒՄԸ ԵՎ ՎՃԱՐՈՒՄԸ

3. Դրամական օգնությունը տրամադրվում է մարզպետի որոշմամբ:
4. Դրամական օգնության չափը հանձնաժողովի առաջարկով հաստատում է մարզպետը:
5. Առանձին դեպքերում (քաղաքացիների ընդունելության ժամանակ կամ այլ չնախատեսված դեպքերում) քաղաքացիներին օգնություն տրամադրելու կամ մերժելու հարցը որոշում է մարզպետը՝ առանց հանձնաժողովի եզրակացության:
6. Հատկացված գումարները տրվում է անկանխիկ՝ դրամական օգնության համար դիմած քաղաքացու հաշվեհամարին փոխանցման եղանակով:
7. Դրամական օգնություն, որպես կանոն, կարող են ստանալ սույն կարգով սահմանված այն ընտանիքները, որոնց անդամները վերջին 12 ամիսների ընթացքում մարզպետարանից դրամական օգնություն չեն ստացել:
8. Տրամադրվող օգնության չափը և պարբերականությունը կարող է էապես տարբերվել կիրառվող նորմերից՝ Արցախում Ադրբեջանի Հանրապետության կողմից սանձազերծված պատերազմում զոհված և վիրավոր զինծառայողների ընտանիքներին տրվող օգնության, ինչպես նաև սահմանամերձ բնակավայրերի բնակիչների գույքին և առողջությանը հասցված վնասի փոխհատուցման ժամանակ:

### IV. ՀԱՆՁՆԱԺՈՂՈՎԻ ՁԵՎԱՎՈՐՈՒՄԸ ԵՎ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

9. Հանձնաժողովի անհատական կազմը հաստատվում է մարզպետի որոշմամբ:
10. Հանձնաժողովն իր գործունեությունն իրականացնում է նիստերի միջոցով:
11. Հանձնաժողովի նիստերը իրավիրվում են ըստ անհրաժեշտության:
12. Հանձնաժողովի նիստն իրավագոր է, եթե նիստին մասնակցում են հանձնաժողովի անդամների ընդհանուր թվի կեսից ավելին:
13. Հանձնաժողովի նիստերը վարում է հանձնաժողովի նախագահը:
14. Հանձնաժողովի նախագահին և քարտուղարին նշանակում է մարզպետը:
15. Հանձնաժողովի նախագահը՝
  - 1) իրավիրում և վարում է հանձնաժողովի նիստերը,

2) ապահովում է հանձնաժողովի բնականոն գործունեությունը,

3) մասնակցում է որոշումների կայացման գործընթացին,

4) համակարգում է հանձնաժողովի աշխատանքը:

16. Հանձնաժողովի նախագահի բացակայության դեպքում նրան փոխարինում է հանձնաժողովի անդամներից որևէ մեկը՝ հանձնաժողովի որոշմամբ:

17. Հանձնաժողովի անդամը՝

1) մասնակցում է հանձնաժողովի նիստերին,

2) մասնակցում է որոշումների կայացման գործընթացին,

3) ծանոթանում է հանձնաժողովի նիստերի արձանագրություններին:


18. Հանձնաժողովի քարտուղարը՝

1) ապահովում է հանձնաժողովի նիստերի կազմակերպումը,

2) ապահովում է հանձնաժողովի նիստերի արձանագրությունների կազմումը:

19. Հանձնաժողովի քարտուղարի բացակայության դեպքում նրան փոխարինում է հանձնաժողովի անդամներից որևէ մեկը՝ հանձնաժողովի նախագահի հանձնարարությամբ»:

Գլխավոր քարտուղար՝



Է. Մարտիրոսյան